



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita P. Balthassaris Alvarez, Societatis Iesv Religiosi

Puente, Luis de la

Coloniae Agrippinae, 1616

§. 1.

urn:nbn:de:hbz:466:1-43347

obeundas ut cocum ipsum subleuaret. Cum die quodam rudera ex Collegio eueheret ad ripam fluminis, occurrit ei: fore sibi aliquo modo graue, si absque ueste, in solo thorace id faceret: Sed quoniam non licebat ei extra domum exire sine tali ueste: hoc iniijt cōsilium, vt coram P. Rectori sine tali ueste transiret: cumq[ue] Pater Rector non iussisset uestem induere, existimauit illam facultatem sibi sufficere, & ita tota die rudera euexit tantum in thorace. In his & similibus occasionibus, in quibus existimabat, se posse mortificare, absque læsione Obedientiæ, ita studiose id faciebat, vt nullam prætermitteret.

§. I.

SED multò libentius & hilarius occasionebus illis vtebatur, quas Obedientia offebat. Quodam die festo mane, in pœnam aliquius incuriae, iusserat P. Rector, ne comederebat; & postea P. Minister misit illum ad prædium, nec voluit accipere quicquam secum, quod comedret; rediit vesperi benè esuriens, sed iuuit ad subtilissimum Sacramentum, ubi orans, voto se obstrinxit, Obedientiam sibi iniunctam ita explendi: vt, nisi iuberetur, non comederet: & quām impulsaretur ad coenam, ipse manxit in suo cubiculo, donec Deus ita prospexit, vt cum P. Rector omnium ultimus ad coenam se conferret, interrogaret, an aliquis supereffet, qui coenam non sumpsisset, cui cum diceretur: Ximenum non venisse ad mensam, quia missus esset ad prædium; iussit, illum vocari, & interroganti, cur non venisset ad co-



nam ille respondit: quia R.V. prohibuit comedere. Ex hac adeo exacta Obedientia ædificatus Rector, iussit eum coenare. Alia die veniens ex prædio, ut aliqua necessaria pro familia acciperet, dixit quidem Superiori, cur venisset; sed istacens, fingebat se non audire, ut illum mortificaret: Ximenus, quod festinaret, bis, ter repetijt, quod petebat, & nihilominus Superior per integrum horam stantem ibi detinuit, nec respondit. Postea existimans ipse Ximenus, se deliquisse, quod toutes repetijset, quid quereret, promisit Deo, si aliquid simile alia vice sibi occurreret, se contentum fore, vel semel dicendo, quid quereret; relinquento Superiori, ut faceret, quod luberet. Rediit sequenti die propter eandem causam, dixitque Superiori: Venio Pater pro rebus necessarijs, & ita conticuit; & responsum per tres horas exspectauit: vacans toto tempore Orationi coram crucifixo ibi existente, donec P. Rector, videns eius resignationem & patientiam, iussit accipere, quod querebat. Hunc in modum multa alia valde memoranda ei acciderunt: & quod P. Balthassar in suis literis reddidit, cum iuit ad Iberum fluuium cum mulo, fuit ab omnibus pro miraculo habitum: quod ipsem Ximenus tenerimè recolebat, suavitatem agnoscens prouidentiæ Diuinæ, succurrentis in huiusmodi pressuris & angustijs, ijs qui suam fiduciam in illa ponunt, ut Superiorum iussa exequantur. Et ut appareat, quanti Dominus noster faciat hunc Obedientiæ modum, referam quod quædam die ei accidit oranti in Ecclesia coram imagine Beatissimæ Virginis, singulari enim affectu eam rogans, ut ipsum iuuaret,

L. 3. atque



atque ita dirigeret, ut salutis viam rectam tene-
ret: vocem audiuit dicentis: perge, Ximene, per
istam cœcæ Obedientiæ viam, quam tenes; nam
recta pergis. Post hanc vocem valde sensit se ad-
iutum, & in eadem virtute proficere. Cum sua
conscientia rationem Superioribus redderet, &
interrogaretur, an sentiret se ad perfectionem al-
sequendam excitatum, respondebat: ab ea nocte,
qua beatissima Virgo me est allocuta, itabene, vi-
nesciam quid amplius desiderem; hoc ipse dixit
P. Balthassari, qui ea nobis communicavit.

S& D quid dicemus de ingenti eius erga pa-
pertatem amore? nam quæ vilissima dominerant
sibi accipiebat, in cibo, vestitu, & reliquis; sapientis
etiam dormiens in ipso stabulo super stramentum
quod se confrebat sub praetextu dandi mulo pa-
bulum. Sed multò tamen pluris faciebat pau-
pertatem spiritus, sine qua parum exterior va-
let. Fratri cuidam ei dicenti, quām inepta ves-
tes habes charissimè, & quām exacte paupertate
colis! Ximenus respondit: ineptas vellet
habere non est paupertas: quid igitur? ait al-
ter: paupertas, inquit, est pax animæ & corporis,
quād omnia desunt: cum enim quis affluit in-
ptas gestare vestes, & calceos, & malè comedere,
ita ut quiduis illi satisfaciat, & boni cōsulat, imo
se etiam illis indignum iudicet: hæc est pax cor-
poris & animæ, quam non habet, qui non est con-
tentus ijs, quæ illi dantur, etiam cum bona sunt;
sed potius conqueritur & murmurat de eo, qui
dedit: eo quod palato suo non arrideat. Idem alius
multò melius significauit, adhibito exemplo, cui
dum interroganti quid esset paupertas? si quis, in-
quir-



quit, hortū aliquē varijs arboribus alijsq; elegan-
tibus plantis conseruisset, & postquam optimè co-
luisse, & in bonum ordinem redigisset, sequenti
die euulsas omnes arbores, & plantas destructas
inueniret, nec tamē propterea turbaretur, aut pa-
cem suam amitteret: iam hic esset vestigiū aliquod
paupertatis. Paupertas igitur spiritus est, quod
quis exuat se ab omni eō quod non est Deus: quod
si quid amet aliud, aut molestiam illi adferat, nisi
quod non seruiat Deo propter se ipsum; aut quod
idem qui adeò bonus est, ab aliquo offendatur:
non est in eo vera spiritus paupertas.

EXCELSA M hanc Philosophiam didicerat
Ximenus non in libris, sed in Oratione cum vni-
ctione Spiritus sancti, docentis præclarissimas ve-
ritates absque argumentorum strepitu: & multæ
tales ab illo audiebantur: optimè enim & magna
cum voluptate loquebatur de Deo, & spirituali-
bus, cùm erat inter eos qui vellent ipsum audire.
Cùm P. Balthassar Visitator esset in prædio, cui
nomen IHSVS de Monte cum P. Provinciali & a-
lijs Patribus, voluit, vt Ioannes Ximenus tempo-
re mensæ loco lectionis, quæ haberi solet, cancio-
naretur, aut diceret quod sentiebat circa unum
caput Thomæ de Kempis. His autem adeò exacto
rationum ordine, tanto spiritu, & affectu locutus
est, vt omnes auditores, viri alioquin valde spi-
rituales, obstupecerent sanctam Idiotæ illius
Fratri sapientiam: Nec finis fuit mensæ sine la-
crys, quod Pater Balthassar prædium ingressus,
futurum prædixerat non defuturas scilicet lacry-
mas ad mensam. Audiui (non satis scio an ipsum-
met Patrem Balthassarem, an aliquem alium)

L 1 4

Xime



Ximenum inter alia vnum dixisse valde ad rem pro ijs, qui eruditionem habent sine spiritu. Ocurrit, inquit, proximè mihi currus hordeo oneratus, quem duæ mulæ in specie satis magnæ & robustæ trahebant: sed hæsitabant in luto, nec poterant progredi, donec ego & alij transeuntes, cotis aliquantulum eleuatis, eas iuuimus; auriga ipso clamoribus & baculis eas impellente. Tandem ex luto exiuerunt, interrogauit aurigam, qui fieret, vt mulæ adeo magnæ & robustæ non potuissent currum ex volutabro illo attrahere? respondit ille, causam esse: quod essent macræ, & parum comedarent. Cum ego vrgerem, cur non comedarent? respondit, non esse defectum hordei, siquidem currus eo erat plenus: sed quod illa non daretur. Tunc (inquit Ximenus) occurrit meti meæ quod aliquibus viris doctis, præclaris cionatoribus, & Magistris euenit: qui etiam solent in via perfectionis hæsitare, ita vt nec paucum progrediantur, eò quod valde sint macri ac debiles in spiritu. non quod desit illis spirituale alimento, siquidem currus intellectus eorum spiritualibus veritatibus est plenus, quas docentes, & pro coniione proferunt; sed quod eas non comedant, nec sibi ipsis in meditatione applicent, vt corda sua permoueant ad feruenter reformandam vitam suam. Hæc dixit cum tanta spiritus vehementia, vt similitudo, quæ initio videatur ridicula, post applicationem factam fletum extaret.

* *

§. II.

